

駢

體

文

鈔

駢體文鈔卷二十二

山齋銘類

董仲舒山川頌

山則龍從巖崑崔嵬巍久不崩陟似資藉之志士孔子  
曰山川神祇立寶藏殖器用資曲直合大者可以爲宮室  
臺榭小者可以爲舟輿浮漚大者無不中小者無不入持  
斧則斫折鎌則艾生人立禽獸伏死人入多其功而不言  
是以君子取譬也且積土成山無損也成其高無害也成  
其大無虧也小其上泰其下久長安後世無有去就儼然  
獨處惟山之意詩云節彼南山惟石巖巖赫赫師尹民具  
爾瞻此之謂也

水則源泉混混汙汙晝夜不竭既似力者盈科後行既似  
持平者循微赴下不遺小間既似察者循谿谷不迷或奏  
萬里而必至既似智者鄣防止而能清淨既似知命者不

清而入潔清而出既似善化者赴千仞之壑而不疑既似勇者物皆困于火而水獨勝之既似武者咸得之而生失之而死既似有德者孔子在川上曰逝者如斯夫不舍晝夜此之謂也

王稚紀司隸校尉楊孟文石門頌

并序

以質得古出于凡將滂喜者也

惟《靈》定位川澤股躬澤有所注川有所通余谷之川其澤南隆八方所達益域爲充高祖受命興于漢中道由子午出散入秦建定帝位以漢詆焉後以子午塗路並難更隨圍谷復通堂先凡此四道垓鬲尤艱至于永平其有四  
年詔書開余鑿通石門中遭元二西夷虐殘橋梁斷絕子午復循上則縣峻屈曲流顛下則入冥巖寫輪淵平阿泉泥常蔭鮮晏木石相距利磨礪盤臨危槍礪履尾心寒空

與輕騎遊尋弗前惡虫藂行虵蛭毒蠃未秋截霜稼苗天  
殘終年不登匱餒之患卑者楚惡尊者弗安愁苦之難焉  
可其言于是明知故司隸校尉機爲武陽楊君厥字孟文  
深執忠仇數上奏請有司議駁君遂執爭百遼咸從帝用  
是聽廢子由斯得其度經功飭商要敵而晏平清涼調和  
烝烝艾寧至建和二年仲冬上旬漢中太守機爲武陽王  
升字稚紀涉厯山道推序本原嘉君明知美其仁賢勒石  
頌德以明厥勲其辭曰

君德明明炳煥彌光刺過拾遺厲清入荒奉觴承杓綏億  
荷疆春宜聖日秋貶若霜無偏蕩蕩真雅以方寧靜烝庶  
政與乾通輔主匡君循禮有常咸曉地理知世紀綱言必  
忠義匪石厥章恢宏大節譴而益明揆往卓今謀合朝情  
醇艱卽安有勲有榮禹鑿龍門君其繼縱上順斗極下蒼

《皇自南自北四海攸通君子安樂庶土悅雍商人咸懷  
農夫永同春秋記異今而紀功垂流億載世世嘆誦

序曰明哉仁智豫識難易原夫天道安危所歸勤勤竭誠  
榮名休麗

漢故穀城長蕩陰令張君表頌

并序

君諱遷字公方陳留己吾人也君之先出自有周周宣王  
中興有張仲以孝友爲行披覽詩雅煥知其祖高帝龍興  
有張良善用籌策在帷幕之內決勝負千里之外析珪於  
留文景之間有張釋之建忠弼之謨帝遊上林問禽狩所  
有苑令不對更問嗇夫嗇夫事對於是進嗇夫爲令令退  
爲嗇夫釋之議爲不可苑令有公卿之才嗇夫喋喋小吏  
非社稷之重上從言孝武時有張騫廣通風俗開定畿寓  
南苞八蠻西羈六戎北震五狄東勤九夷荒遠旣賓各貢

所有張是輔漢世載其德爰暨於君蓋其續連續戎鴻緒  
牧守相係不殞高閭孝弟於家中審於朝治京氏易聰麗  
權畧藝於從政少爲郡吏隱練職位常在股肱數爲從事  
聲無細聞徵拜郎中除穀城長蠶月之務不閉四門臘正  
之際休囚歸賀八月算民不煩於鄉隨就虛落存恤高年  
路無拾遺犁種宿墅黃巾初起燒平城市斯縣獨全子賤  
孔茂其道區別尙書五教君崇其寬詩云愷悌君隆其恩  
東里潤色君垂其仁邵伯分陝君懿于棠晉陽珮璋西門  
帶弦君之體素能雙其勛流化八基遷蕩陰令吏民頡頏  
隨送如雲周公東征西人怨思奚斯讚魯考父頌殷前詒  
遺芳有功不書後無述焉於是刊石豎表銘勒萬載三代  
以來雖遠猶近詩云舊國其命惟新

於穆我君旣敦旣純雪白之性孝友之仁紀行來本蘭生

有芬克岐有兆綏御有勛利器不覲魚不出淵國之良幹  
垂愛在民蔽芾棠樹溫溫恭人乾道不繆唯淑是親旣多  
受祉永享南山千祿无疆子子孫孫

蔡伯喈祖德頌

有序

昔文王始受命武王定禍亂至於成王太平乃洽祥瑞畢  
降夫豈后德熙隆漸浸之所通也是以易嘉積善有餘慶  
詩稱子孫保之非特王道然也賢人君子修仁履德者亦  
其有焉昔我烈祖暨于子考世載孝友重以明德率禮莫  
違是以靈祇降之休瑞免擾馴以昭其仁木連理以象其  
義斯乃祖禰之遺靈盛德之所貺也豈我童蒙孤稚所克  
任哉乃爲頌曰

穆穆我祖世篤其仁其德克明惟懿惟醇宣慈惠和無競  
伊人巖巖我考蒞之以莊增崇丕顯克構其堂是用祚之

休徵惟光厥徵伊何於昭于今園有甘棠別幹同心墳有  
擾兔宅我怕林神不可誣僞不可加析薪之業畏不克荷  
剗貪靈貺以爲己華惟予小子豈不是欲干有先功匪榮  
伊辱

蔡伯喈京兆樊惠渠頌

洪範八政一曰食周禮九職一曰農有生之本於是乎出  
貨殖財用於是乎在九土上沃爲大田多稔然而地有墾  
墾川有墊下溉灌之便行趨不至明哲君子創業農事因  
高卑之宜驅自行之勢以盡水利而富國饒人自古有焉  
若夫西門起鄴鄭國行秦李冰在蜀信臣治穰皆此道也  
陽陵縣東其地衍隄土氣辛螯嘉穀不植草萊焦枯而涇  
水長流溉灌維首編戶齊氓庸力不供牧人之吏謀不假  
給蓋常興役猶不克成光和五年京兆尹樊君諱陵字德



雲勤恤人隱悉心政事苟有可以惠斯人者無聞而不行焉遂諮之郡吏申於政府僉以爲因其所利之事者不可已者也乃命方畧大吏趙遂令伍瓊揣度計慮揆程經用以事上聞副在三府司農遂取財於豪富借力於黎元樹柱累石委薪積土基趾工堅體勢强壯折湍流欵曠陂會之於新渠疏水門通竇瀆灑之於畎畝清流浸潤泥潦浮游昔日鹵田化爲甘壤稔黍稼穡之所入不可勝算農民熙怡悅豫相與謳談疆畔斐然成章謂之樊惠渠云其歌曰

我有長流莫或遏之我有溝洫莫或達之田疇斥鹵莫修莫釐饑饉困悴莫恤莫思乃有樊君作人父母立我畎畝黃潦膏凝多稼茂止惠乃無疆如何勿喜我壤旣營我疆斯成泯泯我人旣富且盈爲酒爲釀蒸彼祖靈貽福惠君

壽考且寧

劉伯倫酒德頌

有大人先生以天地爲一朝萬物爲須臾日月爲局牖入  
荒爲庭衢行無轍跡居無室廬幕天席地縱意所如止則  
操卮執觚動則挈榼提壺惟酒是務焉知其餘有貴介公  
子搢紳處士聞吾風聲議其所以乃奮袂攘衿怒目切齒  
陳說禮法是非鋒起先生于是方捧罍承槽銜杯漱醪奮  
髯箕踞枕麴藉糟無思無慮其樂陶陶兀然而醉豁爾而  
醒靜聽不聞雷霆之聲熟視不覩泰山之形不覺寒暑之  
切肌利欲之感情俯觀萬物擾擾焉如江河之載浮萍二  
豪侍側焉如蜾蠃之與螟蛉

陸士衡漢高祖功臣頌

此士衡所謂文繁理富意必指適者也優游彬蔚精微

朗暢兩者兼之

相國鄼文終侯沛蕭何相國平陽懿侯沛曹參太子少傅  
留文成侯韓張良丞相曲逆獻侯陽武陳平楚王淮陰韓  
信梁王昌彭越淮南王六鯨布趙景王大梁張耳韓王韓  
信燕王豐盧綰長沙文王吳芮荆王沛劉賈太傅安國懿  
侯王陵左丞相絳武侯沛周勃相國舞陽侯沛樊噲右丞  
相曲周景侯高陽酈商太僕汝陰文侯沛夏侯嬰丞相潁  
陰懿侯睢陽灌嬰代丞相陽陵景侯魏傅寬車騎將軍信  
武肅侯靳歙大行廣野君高陽酈食其中郎建信侯齊劉  
敬太中大夫楚陸賈太子太傅稷嗣君薛叔孫通魏無知  
護軍中尉隨何新城三老董公轅生將軍紀信御史大夫  
沛周苛平國君侯公右三十一人與定天下安社稷者也  
頌曰茫茫宇宙上塲下黷波振四海塵飛五嶽九服徘徊

三靈改卜赫矣高祖肇載天祿沈跡中鄉飛名帝錄慶雲  
應輝皇階授木龍興涸濱虎嘯豐谷彤雲晝聚素靈夜哭  
金精仍頽朱光以渥萬邦宅心駿民效足堂堂蕭公王跡  
是因綢繆獻后無競惟人外濟六師內撫三秦拔奇夷難  
邁德振民體國垂制上穆下清名蓋羣后是謂宗臣平陽  
樂道在變則通爰淵爰嘿有此武功長驅河朔電擊壤東  
協策淮陰亞跡蕭公文成作師通幽洞冥永言配命因心  
則靈窮神觀化望影揣情鬼無隱謀物無遁形武關是閭  
鴻門是寧隨難榮陽卽謀下邑銷印悉廢推齊勸立運籌  
固陵定策東襲三王從風五侯允集霸楚實喪皇漢凱入  
怡顏高覽彌翼鳳戢託跡黃老辭世却粒曲逆宏達好謀  
能深游精杳漠神跡是尋重元匪輿九地匪沈伐謀先兆  
濟響于音奇謀六奮嘉慮四迴規主於足離項於懷格人

乃謝楚翼實摧韓王窘執胡馬洞開迎文以謀哭高以哀  
灼灼淮陰靈武冠世策出無方思入神契奮臂雲興騰跡  
虎噬凌險必夷摧剛則脆肇謀漢濱還定渭表京索旣扼  
引師北討濟河夷魏登山滅趙威亮火烈勢踰風掃拾代  
如遺偃齊猶草二州肅清四邦咸舉乃眷北燕遂表東海  
克滅龍且爰取其旅劉項懸命人謀是與念功惟德辭通  
絕楚彭越觀時弦迹匿光民具爾瞻翼爾鷹揚威凌楚域  
質委漢王靖難河濟卽宮舊梁烈烈鯨布眈眈其眇名冠  
疆楚鋒猶駭電觀幾蟬蛻悟主革面肇彼梟風翻爲我扇  
天命方輯王在東夏矯矯三雄至於垓下元凶旣夷龍祿  
來假保大全祚非德孰可謀之不臧舍福取禍張耳之賢  
有聲梁魏士也罔極自貽伊愧俯思舊恩仰察五緯脫跡  
違難披榛來泊改策西秦報辱北冀悴葉更輝枯條以肄

王信韓孽宅土開疆我圖爾才越遷晉陽盧綰自微婉孌  
我皇跨功踰德祚爾輝章人之貪禍寧爲亂亡吳芮之王  
祚由梅鎔功微勢弱世載忠賢肅肅荆王董我三軍我圖  
四方殷薦其勲庸親作勞舊楚是分往踐厥宇大啟淮濱  
安國違親悠悠我思依依哲母旣明且慈引身伏劍永言  
固之淑人君子實邦之基義形於色憤發于辭主亡與亡  
末命是期絳侯質木多畧寡言曾是忠勇惟帝攸歎雲驚  
靈邱景逸上蘭平代禽狝奄有燕韓寧亂以武斃呂以權  
滌穢紫宮徵帝太原實惟太尉劉宗以安挾功震主自古  
所難勳耀上代身終下藩舞陽道迎延帝幽藪宣力王室  
匪惟厥武總干鴻門披關帝宇聳顏誚項掩淚寤主曲周  
之進于其哲兄俾率爾徒從王于征振威龍蛻攄武庸城  
六師實因克荼禽鯨鯢歟汝陰綽綽有裕戎軒暨跡荷策

來附馬煩轡殆不釋擁樹皇儲時又平城有謀潁陰銳敏  
屢爲軍鋒奮戈東城禽項定功乘風藉響高步長江收吳  
引淮光啟于東陽陵之勲元帥是承信武薄伐揚節江陵  
夷王殄國俾亂作懲恢恢廣野誕節令圖進謁嘉謀退守  
名都東規白馬北距飛狐卽倉敖庾據險三塗輜軒東踐  
漢風載祖身死于齊非說之辜我皇實念言祚爾孤建信  
委輅被謁獻寶指明周漢餘時論道移帝伊洛定都鄴錦  
柔遠鎮邇寶敬攸考抑抑陸生知言之貫往制勁越來訪  
皇漢附會平勃夷凶翦亂所謂伊人邦家之彥百王之極  
舊章靡存漢德雖朗朝儀則昏段嗣制禮下肅上尊穆穆  
帝典煥其盈門風翬三代憲流後昆無知獻敏獨昭奇跡  
察倖肅相貶同師錫隨何辯達因資於敵紓漢披楚唯生  
之績皤皤董叟謀我平陰三軍縞素天下歸心袁生秀明

沈心善照漢旆南振楚威自撓大畧淵回元功響效邇哉  
惟人何識之妙紀信誑項輶軒是乘攝齊赴節用死孰懲  
身與煙消名與風興周苛慷慨心若懷冰形可以暴志不  
可凌貞軌偕沒亮跡雙升帝疇爾庸後嗣是膺天地雖順  
王心有違懷親望楚永言長悲侯公伏軾皇媼來歸是謂  
平國寵命有輝震風過物清濁效響大人于興利在攸往  
宏海者川崇山惟壤韶護錯音袞龍比象明明衆哲同濟  
天網劍宣其利鑒獻其朗文武四充漢祚克廣悠悠遐風  
千載是仰

陸士龍盛德頌

風骨不逮功臣頌而織詞甚縟

余行經泗水高帝昔爲亭長於此瞻望山川意有慨然遂  
奏章以通情焉并爲之頌云爾



晉太子舍人龔上臣雲稽首再拜上書皇帝陛下臣雲頓首死罪伏惟陛下紹軒轅之獻哲越三代之高蹤膺有聖之元景蘊生民之上畧秦政肆虐漸蠱生民在昔上帝乃眷多方肅雍寶命鑒民顧天思文獻聖以宅神器六合炎駕八荒星錯企皇居於阿房倚逸鹿於九野謀猷回邁天人匪祚乃爾斯國授漢于西京是以先紹五緯章太素神母哀號底命丹野九垓闕授命之符鈞天清建皇之鑒陛下螭蟠泗水龍躍下亭慶雲徘徊紫塵熠爍皇威肇於斷蛇神武基於豐沛掩四綏以蓋天廓元謨以闢宇華宮山藏玉堂海綉雲蓋景陰金門林蔚拔足崇長揖之賓吐食納獻規之客元猷上通德輝下濟仰翰雲禽俯躍魚魴是以四海之內莫不企景嶽以接羣望廣川而鱗集乘山涉水視險若夷奔波闕廷思効死節乃鳴鸞在衡奔驥服輅

良平鳳棲信布虎據豪雄交暴於外奇謨補闕乎內威謀  
兼陳智勇畢効乃凌河海河海無梁乃仆高山嶽華不重  
三秦席卷項籍灰分逋虜霧散遺寇雲徹泛時雨以清天  
灑狂塵以肅地□□□警於舟輿疎峻蓋於蒼昊功濟宇  
宙德被羣生天人允嘉民神協愛厯數在身有命將集而  
陛下猶復允執高讓成功靡有普天歸德羣后固請然後  
謁天皇於圓丘延萬乘以帝室率土離暴秦之亂臣妾蒙  
有道之惠戎羌蠻夷之墟雕趾肅慎之國莫非帝臣巍巍  
蕩蕩蓋天臨地自啓闢以來有皇之美未有若聖功之著  
盛者也臣雲頓首頓首死罪死罪臣以鄙倍文武無施忝  
寵本朝承乏下位而臣遭愍自西徂東行邁攸止路經泗  
水伏見史臣班固撰錄聖功竊承陛下扶桑始照天暉未  
融之日嘗臨御此川於是卽命舟人弭楫水沚瞻仰山川

舊物輝替永惟聖輝罔識所憑遠眺邇念感物興哀終懷  
靡入拊心遐慕臣命違千載之運身生四百之外恨不得  
役力聖明之鑒寓目風塵之會揮戈前隊待罪下軍抽鋒  
咸陽之闕提鉞項籍之領痛心自悼不知所裁行役之臣  
牽制朝憲雖懷彷徨王事靡盬肅將言邁實銜罔極臣聞  
遊魂變化神道無方雖聖靈登遐降陟在天連光五精流  
輝太一或冀神輿降觀薄狩五服時邁玉輅言巡茲邑是  
以下臣仰瞻紫宮俯要恍惚愚情振蕩靡審所如不勝延  
頸紫微結心閭闔之清謹住水濱拜章陳愚臣雲誠惶誠  
恐頓首頓首死罪死罪稽首以聞臣雲言臣聞歌詠所以  
宣成功之烈詩頌所以美盛德之容是以聞其聲則重華  
之道彌新存其操則文王之容可觀永惟陛下聖德豐化  
比隆前代元勲茂功超蹤在昔故詩歌之所依詠金石之

所揄揚者也臣謹上盛德頌一篇雖不足以仰度天高伏  
測地厚貴獻狂夫區區之情臣雲云云晉太子舍人臣陸  
雲上

於皇漢祖纂胄有唐平章在昔文思百王丹輝棲列火精  
幽光爰茲聖緒頽維弛綱靈曜熠燿燦隋景扶桑則天未墜  
重規昊蒼其規伊何橫乾作峻厥德不回矩地能順憑河  
拓景襄嶽殷韻龍章炯偉虎質碩變有素不競罔極黔首  
震驚予師思虔神主上帝曰咨天鑒有赫乃眷伊漢此惟  
予宅明明聖皇既受帝社雲騰下邑風駭泗水仰鏡天文  
五緯同晷俯察雲符神母爰止思文聖王克廣克遐威凌  
臺築德潤諸華爰祀天人天人攸嘉爰輯蒸徒蒸徒既和  
既和既順乃矢德音豐沛之旅其會如林朱旗虹超彤旛  
電尋推師蕭曹撫劍高吟元戎薄伐時罔不龕凌波川潰

肆野陸沉咸陽克殄既係秦后峩峩阿房乃清帝宇穆穆  
聖皇天保攸定有項畔換不式王命王命既愆黜我西上  
於鑠王師遵時匪怒爰赫乘輿席卷三夏嘽嘽戎軒矯矯  
乘馬變伐強楚至于垓下天誅薄曜暴籍授首區夏既泯  
宇宙蒙乂肅肅帝居巍巍神器有皇于登是臨天位繼文  
于裳組華于敬明明天子有穆其咨至止鏘鏘相維辟公  
宣聲路寢發號紫宮頌此愷悌以畜萬邦思樂皇慶協于  
時雍琴瑟在御大予舞功越裳委贄肅愼來王明明聖皇  
開國乘制分圭祚勞河山命誓禮律克彰典文垂藝有漢  
恢恢疏罔不替聖功克明九方孔安良宰內幹武臣外閑  
漸澤冀域沾被戎蠻連光大素萬載不刊

陸士龍登遐頌

夫死生存亡二理之已然者也而世有神仙登遐之言千

歲不死之壽其詳固難得而精矣列仙之道作者既集而登遐未有焉莊周有言我試妄言之子試妄聽之彼之有無蓋難以理求我之妄聽顧可以言寄之遂爲頌云爾間

人

王子喬

元洛

孔仲尼

九疑仙人

大勝山

上女

李少君

梅福

張留

左元放

劉根

黃

伯嚴

費長房

何女子

焦生

鮮卑務塵

韓衆

夷門子

林陽子

任化子

鬼谷子

淵哉郊間懷寶採薪媚茲伯陽常道是質俯翼蓬屋攜手入秦遺物執一妙世頤神思我元流浩若無津王喬淵嘿遂志潛輝遺形靈嶽顧景亡歸變彼有傳與爾翻飛承雲儵忽飄飄紫微元洛妙識饑餌神穎在陰儵逝卽陽無景逍遙北嶽凌霄引領揮霧昊天合神自靖孔某大聖配天宏道風扇元流思探神寶明發懷周興言謨老靈魄有行言觀蒼昊清歌先試丹書有造茫茫九疑登暉太素有漢登閭神具爾顧登彼靈丘聿來載步貽我則歌永揚遐祚

大勝之娥厥猶翼翼降宮有和納符帝側揮杖指辰絕音  
頽息茗茗元右在彼峻極少君善祠怡爾豐顏俯覲劉漢  
仰接姜桓式宴安期巨棗爲餐神光攸往後來其嘆在漢  
之衰頽火炎精晦公指景有皇遺形逝彼文辭胥此洞庭  
神輝絕景豈外北冥張招澄精妙思元芒則是神物錯綜  
徽章乃幽乃顯若存若亡因形則變倏忽無方左生清純  
放情元昧在物淵沉泝虛攸遂清酒一壺百朋具醉有命  
集止乘龍來萃載見君子言觀其蔚劉根登嵩遺世盤桓  
形委服容口厭瓊蘭挹彼呼翕爲爾朝餐景絕巖穴光茂  
雲端伯嚴志道翻飛自南北食中嶽練形嵩岑奔星凌顏  
朱光垂陰雲精九口握耀盈襟長房有懷承師問道蒙險  
洪海聯心元浩將登蓬萊祚爾難老嘉命旣錫如何勿考  
逝矣何女芳靈旣影安寢曾邱逝魂清霄喪魄載營大墓

崇朝玉趾再步於焉逍遙焦生卜居在河之東皓襟解帶  
嘉卉結容頤神太素淑思元冲在彼黃堂明道固窮北狄  
務塵在彼沙漠含神自頤靜居有恪自彼王庭聿來伊洛  
天子命之載見紫閣衛衆終化靈毛揚葩慎爾貞心神社  
來荷靡靡夷門體道含真煥茹靈卉凌雲頤神林陽餌車  
明視聰耳壯子旣飡步睠千里任化凱入輕雲揮止移形  
善變載坐載起悠悠鬼谷永言潛止要終有集資生無始  
綢繆方平在彼二子芬響蘭揮有來盈耳

孫興公聘士徐君墓頌

有序

晉南昌相太原縣君白漢故聘士徐君之靈惟君風軌英  
達音徽遠播餐仰芳流宗揖在昔古人有言聞伯夷之風  
者懦夫有立志仰先生之道豈無青雲之懷哉余以不才  
忝宰茲邑遐宗有道思揖遠風乃與友人殷浩等束帶靈



墳奉瞻祠宇雖玉質幽潛而目想令儀雅音永寂而心存  
高範徘徊墟壝仰眎松林哀有形之短化悼令德之長泯  
撫然有感悽然增傷夫諷謠生於情託雅頌興乎所欽匪  
於詠述孰寄斯懷頌曰

巖巖先生邁此英風含真獨暢心夷體沖高蹈域表淑問  
顯融昂昂五賢赫赫八俊雖曰休明或嬰險舛豈若先生  
保茲玉潤超世作範流光遐振墳塋磊落松竹蕭森蒼叢  
蔚蔚虛宇悒悒遊獸戲阿嚶鳥鳴林嗟乎徐君不聞其音  
徘徊邱側悽焉流襟何以舒蘊援翰託心

江交通閩中草木頌十五首

有序

僕一命之微遭萬代之幸不能鏘心礪骨以報所事擢翼  
驥首自致丹梯爰乃恭承嘉惠守職閩中且僕生人之樂  
久已盡矣所愛兩株樹十莖草之間耳今所鑒處前峻山

以蔽日後幽晦以多阻饑餒搜索石瀕爰爰庭下有故池  
水常決雖無魚梁釣臺處處可坐而葉饒冬榮花有夏色  
茲赤縣之東南乎何其奇異也結莖吐秀數千餘類心所  
憐者十有五族焉各爲一頌以寫勞魂

江南之山連障造天旣抱紫霞亦漱絳煙金荆嘉樹涵雲  
宅仙嫵節詎及幽意誰傳

金荆

疎枝碧澗卧根石林日月

斷色霧雨恒陰綠秀八炤丹竇四臨公子不至山客徒尋  
相思伊南有材匪桂匪椒下貫金壤上籠赤霄盤薄廣結  
捎瑟曾喬七年乃識非曰終朝

孫章

異木之生疑竹疑草

擢叢石逕森茏山道煙岫相珍雲壑共寶不華不縟何避  
工巧

拼欄

桐梓舊麗松枯稱奇焉如茲品獨秀青崖羣木

歛望雜草不窺長入煙氣永參鸞螭杉木貴冬榮聖實寒  
色停黛峯頂插翠石側碧葉菴藹頰柯翕施方陋筠櫝遠

笑荆棘

櫻

寶跨荔枝芳軟木蘭懷藥挺實涵黃糝丹鏡日

繡壑韶霞綺巒爲我羽翼委君王玉盤

楊梅

惟園有實惟山

有叢丹薦驚露紫榮繞風引霧如電映煙成虹伊春之秀

乃華之宗

山桃

美木艷樹誰望誰待縹葉翠萼紅華絳采

韶列泉石芬披山海奇麗不移霜雪空改

石榴

迸采泉壑

騰光潤邱細麗碧巘紅艷桂洲山人結侶靈俗共遊時至

不採爲予淹留

木蓮

藥寶靈品爰乃輔性却病衛福蠲邪

養正縹色外妍金光內映草經所珍仙圖是詠

石菖蒲

黃

蓮上草丹砂之次禦孽辟妖長靈久視驂龍行天馴鳳匝

地鴻飛以儀順道則利

黃蓮

華不可炫葉非足憐微根儻

餌棄劍爲仙黃金共壽青腰爭年君謂無妄我驗衡山

薯

黃山中杜若嘉爾翠質不奇不俗載華載實同銜夕露共

炯朝日夷陂無二沈冥如一

杜若

桂以過刻磨以太芬摧

阻天壽夭折人文詎及藿香微腹微薰攝靈百仞養氣青

雲

藿香

高伯恭徵士頌

有序

語無瑣瑣詞必矜慎故能以慈勝

昔歲同徵零落將盡感逝懷人作徵士頌蓋止於應命者  
其有命而不至則闕焉羣賢之行舉其梗概矣今著之於  
左夫百王之御世也莫不資仗羣才以隆治道故周文以  
多士克寧漢武以得賢爲盛此載籍之所記由來之常義  
魏自神麇以後宇內平定誅赫連積世之僭掃窮髮不羈  
之寇南摧江楚西盪涼域殊方之外慕義而至於足偃兵  
息甲修立文學登延儒造酬咨政事夢想賢哲思遇其人  
訪諸有司以求明士咸稱范陽盧元等四十二人皆冠冕  
之胄著問州邦有羽儀之用親發明詔以徵元等乃曠官

馬二十一  
以待之懸爵以縻之其就命三十五人自餘依例州郡所  
遣者不可稱記爾乃髦士盈朝而濟濟之美興焉昔與之  
俱蒙斯舉或從容廊廟或遊集私門上談公務下盡忻娛  
以爲千載一時始於此矣日月推移吉凶代謝同徵之人  
凋殲殆盡在者數子然復分張往昔之忻變爲悲戚張仲  
業東臨營州遲其還反一叙於懷齊衿於垂歿之年寫情  
於桑榆之末其人不幸復至殞歿在朝者皆後進之士居  
里者非疇昔之人進涉無寄心之所出入無解顏之地顧  
省形骸所以永嘆而不已夫頌者美盛德之形容亦可以  
長言寄意不爲文二十年矣然詞切於心豈可默乎遂爲  
之頌詞曰

紫氣干霄羣雄亂夏王龔祖征戎車屢駕掃邊游氛克剪  
妖霸四海從風八垠漸化政教無外旣寧且一偃武寧兵

惟文是恤帝乃旁求搜賢舉逸嘯隱投竿異人並出臺臺  
盧生量遠思純鑽道據德遊藝依仁旌弓旣招釋褐投巾  
攝齊升堂嘉謀日陳自東徂南躍馬馳輪僭憑影附劉以  
和親茂祖熒單夙罹不造克已勉躬聿隆家道敦心六經  
遊思文藻終辭寵命以之自保燕常篤信百行靡遺位不  
苟進任理栖遲居冲守約好讓善推思賢樂古如渴如饑  
子翼致遠道賜悟深相期以義相和若琴並參幕府俱發  
德音優游卒歲聊以寄心祖根運會克光厥猷仰緣朝恩  
俯因德友功雖後建祿實先受班同舊臣位並羣后士衡  
孤立內省靡疾言不崇華交不遺舊以產則貧論道則富  
所謂伊人實邦之秀卓矣友規秉茲淑量存彼大方擯此  
細讓神與理冥形隨流浪雖屈王侯莫廢其尚趙實名區  
世多奇士山嶽所鍾挺生三李矯矯清風抑抑容止初九

而潛望雲而起說尹西都靈惟作傳垂訓王宮載理雲霧  
熙雖中天迹階郎署餘塵可挹終亦顯著仲業淵長雅性  
清到憲章古式綢繆典誥時值險難常一其操納衆以仁  
訓下以孝化彼龍川民歸其教邁則英賢侃亦稱選聞達  
邦家名行素顯志在兼濟豈伊獨善繩匠弗顧功不獲展  
劉許腹忠竭力致躬出能騁說入獻其功輶軒一舉撓燕  
下崇名彰魏世享業亦隆道茂夙成弱冠播名與朋以信  
行物以成怡怡昆弟穆穆家庭發響九臯翰飛紫冥頻在  
省闈亦司於京刑以之中政以之平猗歟彥鑒思參文雅  
率性任真器成非假靡矜於高莫恥於下乃謝朱門歸迹  
林野宗敬延譽號爲四僑華藻雲飛金聲夙振中遇沈苛  
賦詩以訊忠顯於辭理出於韻高滄朗達默識淵通領新  
悟異發自心胸質侔和璧文炳雕龍耀姿天邑衣錦舊邦

士元先介焉不惑振袂來庭始賓王國蹈方履正好是  
繩墨淑人君子其儀不忒孔稱游夏漢美淵雲越哉百度  
出類踰羣司言秘閣作牧河汾移風易俗理亂解紛融彼  
滯義渙此潛文儒道以析九流以分崔宗二賢誕性英偉  
擢隸閭閻聞名象魏寒暑儀形邈邈風氣達而不矜素而  
能賁潘符標尙杜熙好和清不潔流渾不同波絕希龍津  
止分上科幽而逾顯損而逾多張綱柔謙叔術正直道雅  
治聞弼爲兼識拔萃衡門俱漸鴻翼發憤忘食豈要斗食  
率禮從仁罔愆於式失不繫心得无形色郎苗始舉用均  
已試智足周身言足爲治性協於時情敏於事與今而同  
與古曷異物以利移人以酒昏侯生潔已惟義是敦日縱  
醇醪逾敬逾溫其在私室如涉公門季才之性柔而執競  
屈彼南秦申威致命誘之以權矯之以正帝道用光邊土



納慶羣賢遭世顯名有代志竭其忠才盡其能體襲朱裳  
腰紐雙佩榮曜當時風高千載君臣相遇理實難偕昔因  
朝命與之克諧披衿散想解帶舒懷此听如昨存亡奄乖  
靜言思之中心九摧揮毫頌德潛爾增哀

陸士龍榮啓期贊

榮啓期者周時人也值衰世之季末當王道頽凌遂隱居  
窮處遺物求己沂懷元妙之門求意希微之域天子不得  
而臣諸侯不得而友行年九十被裘鼓琴而歌孔子過之  
問曰先生何樂答曰吾樂甚多天生萬物惟人爲貴吾得  
爲人矣是一樂也以男爲貴吾又得爲男矣是二樂也或  
不免于襁褓而吾行年九十是三樂也夫貧者士之常也  
死固命之終也居常待終當何憂乎孔子聽其音爲之三  
曰悲常披裘帶索行吟于路曰吾著裘者何求帶索者何

索遂放志一邱滅景榛藪居真思樂之林利涉忘憂之沼  
以卒其天年榮華溢世不足以盈其心萬物兼陳不足以  
易其樂絕景雲霄之表濯志北溟之津豈非天真至素體  
正含和者哉友人有圖其象者命爲之贊其辭曰

芒芒至道天啓德心自昔逸民遁志山林邈矣先生如龍  
之潛夷明收察滅迹在陰傲世求已遺物自欽景遜瓊輝  
響和絕音戀彼邱園研道之微思樂寒泉薄採春蕤鳴絃  
清泛撫節高徽有聖戾止永言傷悲天造草昧負道寔嘉  
於錄先生旣體斯和熊羆作祥黃髮皤皤耽此三樂遺彼  
世華翼翼彼路行吟以遊的的黻冕陋我輕裘永脫亂世  
受言一邱媿茲常道聊以忘憂

夏侯孝若東方朔畫贊

有序

大夫諱朔字曼倩平原厭次人也魏建安中分厭次以爲

樂陵郡故又爲郡人焉事漢武帝漢書具載其事先生褒  
瑋博達思周變通以爲濁世不可以富貴也故薄游以取  
位苟出不可以直道也故頡頏以傲世傲世不可以垂訓  
也故正諫以明節明節不可以久安也故詆諧以取容潔  
其道而穢其迹清其質而濁其文弛張而不爲邪進退而  
不離羣若乃遠心曠度瞻智宏材倜儻博物觸類多能合  
變以明算幽贊以知來自三墳五典八索九邱陰陽圖緯  
之學百家衆流之論周給敏捷之辯支離覆逆之數經脉  
樂石之藝射御書計之術乃研精而究其理不習而證其  
功經目而諷於口過耳而聞於心夫其明濟開豁包含宏  
大陵轢卿相嘲哂豪傑籠罩靡前貽藉貴勢出不休顯賤  
不憂戚戲萬乘若寮友視儔列如草芥雄節邁倫高氣蓋  
世可謂拔乎其萃游方之外者已譚者又以先生噬吸冲

和吐故納新蟬蛻龍變棄俗登僊神交造化靈爲星辰此  
又奇怪惚恍不可備論者也大人來守此國僕自京都言  
歸定省觀先生之縣邑想先生之高風徘徊路寢見先生  
之遺像逍遙城郭觀先生之祠宇慨然有懷乃作頌焉其  
辭曰

矯矯先生肥遯居貞退不終否進亦避榮臨世濯足希古  
振綴淥而無滓既濁能清無滓伊何高明克柔能清伊何  
視汚若浮樂在必行處淪罔憂跨世陵時遠蹈獨游瞻望  
往代爰想遐蹤巍巍先生其道猶龍染迹朝隱和而不同  
棲遲下位聊以從容我來自東言適茲邑敬問墟墳企佇  
原隰墟墓徒存精靈永戢民思其軌祠宇斯立徘徊寺寢  
遺像在圖周旋祠宇庭序荒蕪榛楛傾落草萊弗除肅肅  
先生豈爲是居是居弗形悠悠我情昔在有德罔不遺靈

天秩有禮神監孔明彷彿風塵用垂頌聲

郭景純山海經圖讚

桂生南裔拔萃岑嶺廣莫熙葩凌霜津穎氣王百藥森然

雲挺桂爰有奇樹產自招搖厥華流光上映垂雷佩之不

惑潛有靈標迷數彗星橫天鯨魚死浪鴉鳴于邑賢士見

放厥理至微言之無况鴉鳥華嶽靈峻削成四方爰有神

女是挹玉漿其誰遊之龍駕雲裳太華山鸞翔女牀鳳出

丹穴拊翼和以應聖哲擊石靡詠韶音其絕鸞鳥鍾山

之寶爰有玉華光彩流映氣如虹霞君子是佩象德閑邪

璚瑜玉

搖惟靈樹爰生若木重根增駕流光旁燭食之靈

化榮名仙錄搖木崑崙月精水之靈府惟帝下都西老之

宇桀然中峙號曰天柱崑崙邱肩吾得一以處崑崙開明

是封司帝之門吐納靈氣熊熊魂魄神陸吾安得沙棠制

爲龍舟汎彼滄海眇然遐遊聊以逍遙任波去留沙棠天

帝之女蓬髮虎顏穆王執贄賦詩交歡韻外之事難以具

言西王母先民有作龜貝爲貨貴以文彩賈以小大簡則

易資犯而不過文貝質則混沌神則旁通自然靈照聽不

以聰強爲之名曰惟帝江帝江鳥飛以翼當扈則鬚廢多

仔少沛然有餘輪運于轂至用在無當扈駁惟馬類寔畜

之英騰髦驤首噓天雷鳴氣無不凌吞虎辟兵駁物以感

應亦不數動壯士挺劍氣激白虹鯨魚潛淵出則邑悚鯨

魚涸和損平莫慘於憂詩詠萱草帶山則儵壑焉遺岱聊

以盤遊儵魚躡寔以足排虛以羽翹尾翻飛奇哉耳鼠厥

皮惟良百毒是禦耳鼠幽頰似猴俾愚作智觸物則笑見

人佯睡好用小慧終是嬰繫幽頰磁石吸鐵璚瑁取芥氣

有潛感數亦冥會物之相投出乎意外磁石抱鵲貪林其

自在腹食人未盡還自齧割圖形妙鼎是謂不若狌鴉龍

馬雲遊騰蛇假霧未若天馬自然凌翥有理懸運天機潛

御天馬蚌則含珠獸胡不可狝狝如豚被褐懷禍患難無

繇招之自我狝狝狝徐之獸見人佯眠與災協氣出則無

年此豈能為歸之于天狝狝治在得賢亡由失人夜夜之

來乃致彼賓歸之冥應誰見其津嶺嶺水圓四十潛源溢

沸靈龜爰處掉尾養氣莊生是感揮竿傲貴嶺嶺茫茫帝

臺維靈之貴爰有石棋五彩煥蔚鵲禱百神以和天氣帝

臺棋山膏如豚厥性好罵黃棘是食匪子匪化雖無貞操

理同不嫁山膏獸黃棘爰有嘉樹厥名曰栢薄言采之窈窕是

服君子維歡家無反日栢木荀草赤寔厥狀如管婦人眼

之練色易顏夏姬是艷厥媚三遷荀草厥苞橘櫟奇者維

甘朱寔金鮮葉蒨翠藍靈均是詠以為美談橘櫟大驪之

山爰有苹草菁華白寔食之無天雖不增齡可以窮老獲

蝮維毒魁鳩鳥是噉拂翼鳴林草瘁木慘羽行隱戮厥罰

難犯鳩鳥岷山之精上絡東井始出一勺終致森冥作紀

南夏天清地靜岷山青耕禦疫跂踵降災物之相反各以

氣來見則民咨寔為病媒跋踵清冷之水在乎山頂耕父

是游流光灑景黔首祀禁以弭災膏神耕父帝臺之水飲濁

心病靈府是滌和神養性食可逍遙濯髮浴泳帝臺賤無

定貢貴無常珍物不自物自物由人萬事皆然豈伊蛇鱗

自此山來蟲為蛇號為魚三珠所生赤水之際翹葉栢疎美壯若萐

翟彩丹波自相霞映三珠樹有人爰處園邱之上赤泉駐年

神木養命稟此遐齡悠悠無竟不死國雖云一氣呼吸異道

觀則俱見食則皆飽物形自周造化非巧三首國羣籟舛吹

氣有萬殊大人三丈焦僂尺餘混之一歸此亦僑如焦僂國



聖德廣被物無不懷爰乃殂落封墓表哀異類猶然矧乃

華黎

秋山帝堯葬于陽帝畧葬于陰

聚肉有眼而無腸胃與彼馬勃頗相

髣髴奇在不盡食之薄味

視肉

筮御飛龍果儼九代雲融

是揮玉璫是佩對揚帝德稟天靈誨

夏后啓

品物流行以散

混沌增不爲多減不爲損厥變難原請尋其本

三身國彼一臂國

妹者子誰氏二女曷爲水間操魚持俎厥儷安在離羣逸

處

女祭女戚

十日並熯女丑以斃暴于山阿揮袖自翳彼美誰

子逢天之厲

女丑尸

軒轅之人承天之祐冬不襲衣夏不扇

暑猶氣之和家爲彭祖

軒轅國

飛黃奇駿乘之難老揣角輕

騰忽若龍矯寔鑒有德乃集厥阜

乘黃

萬物相傳非子則

根無脊因心構肉生魂所以能然尊形者存

無脊國

蒼四不

多此一不少于野冥瞽洞見無表形遊逆旅所貴維眇目

神哉夸父難以理尋傾沙逐日遯形鄧林觸類而化應

無常心

夸父

女子鮫人體近蠶蚌出珠匪甲吐絲匪蟄化

出無方物豈有種

歐系

牢悲海鳥西子駭麋或貴穴保或

尊裳衣物我相傾孰了是非

毛氏

往往之狀形乍如大厥

性識往爲物警辨以酒招災自貽纓胃

往往

崑崙之陽鴻

鷺之阿爰有嘉穀號曰木禾匪植匪藝自然靈播

木禾萬

物暫見人生如寄不死之樹壽蔽天地請藥西姥烏得如

羿不死

醴泉睿木養齡盡性增氣之和祛神之冥何必生

知然後爲聖

甘水

金精朱鬣龍行駿時拾節鴻鶩塵不及

起是謂吉黃釋聖牖里

古良

怪獸五彩尾參于身矯足干

里儵忽若神是謂騶虞詩歎其仁

騶虞

子夜之尸體分成

七離不爲疏合不爲密苟以神御形歸於一

王子

都廣之

野珍怪所聚爰有羔穀鸞歌鳳舞后稷託終樂哉斯土

都

野吹萬不同陽照陰蒸欸冬之生擢穎堅冰物休所安焉

知漢疑款冬

車前之草別名芣苢王會之云其寔如李名

之相亂在乎疑似

芣苢

草皮之良莫貴于麻用無不給服

無不加至物在邇求之好遐

麻

萍之在水猶卉植地靡見

其布漠爾鱗被物無常託孰知所寄

萍

袁彥伯三國名臣序贊

神彩壯於士衡

夫百姓不能自治故立君以治之明君不能獨治則爲臣

以佐之然則三五迭隆歷世承基揖讓之與干戈文德之

與武功莫不宗匠陶鈞而羣才緝熙元首經畧而股肱肆

力遭離不同跡有優劣至於體分冥固道契不墜風美所

扇訓革千載其揆一也故二八升而唐朝盛伊呂用而湯

武寧三賢進而小白興五臣顯而重耳霸中古陵遲斯道

替矣居上者不以至公理物爲下者必以私路期榮御圓

者不以信誠率衆執方者必以權謀自顯於是君臣離而名教薄世多亂而時不治故遶寧以之卷舒柳下以之三黜接輿以之行歌魯連以之赴海衰世之中保持名節君臣相體若合符契則燕昭樂毅古之流也夫未遇伯樂則千載無一驥時值龍顏則當年控三傑漢之得材于斯爲貴高祖雖不以道勝御物羣下得盡其忠蕭曹雖不以三代事主百姓不失其業靜亂庇人抑亦其次夫時方顛沛則顯不如隱萬物思治則默不如語是以古之君子不患宏道難遭時難遭時不難遇君難故有道無時孟子所以咨嗟有時無君賈生所以垂泣夫萬載一期有生之通途千載一遇賢智之嘉會遇之不能無欣喪之何能無慨古人之言信有情哉余以暇日常覽國志考其君臣比其行事雖道謝先代亦異世一時也文若懷獨見之明而有救

世之心論時則民方塗炭計能則莫出魏武故委面霸朝  
豫讓世事舉才不以標鑒故久之而後顯籌畫不以要功  
故事至而後定雖亡身明順識亦高矣董卓之亂神器遷  
偏公達慨然志在致命由斯而談故以大存名節至如身  
爲漢隸而跡入魏幕源流趣舍其亦文若之謂所以存亡  
殊致始終不同將以文若旣明名教有寄乎夫仁義不可  
不明則時宗舉其致生理不可不全故達識舉其契相與  
宏道豈不遠哉崔生高朗折而不撓所以策名魏武執笏  
霸朝者蓋以漢主當陽魏后北面者哉若乃一旦進璽君  
臣易位則崔子所不與魏武所不容夫江湖所以濟舟亦  
所以覆舟仁義所以全身亦所以亡身然而先賢玉摧于  
前來哲攘袂於後豈非天懷發中而名教束物者乎孔明  
盤桓俟時而動遐想管樂遠明風流治國以禮民無怨聲

刑罰不濫沒有餘泣雖古之遺愛何以加茲及其臨終顧  
託受遺作相劉后授之無疑心武侯處之無懼色繼體納  
之無貳情百姓信之無異辭君臣之際良可詠矣公瑾卓  
爾逸志不羣總角料主則素契於伯符晚節曜奇則參分  
於赤壁惜其齡促志未可量子布佐策致延譽之美輟哭  
止哀有翼戴之功神情所述豈徒蹇諤而已哉然而杜門  
不用登壇受譏夫一人之身所昭未異而用舍之間俄有  
不同况沈跡溝壑遇與不遇者乎夫詩頌之作有自來矣  
或以吟詠性情或以述德顯功雖大旨同歸所託或乖若  
夫出處有道名體不滯風軌德音爲世之範不可廢也故  
復撰序所懷以爲之贊云魏志九人蜀志四人吳志七人  
荀彧字文若諸葛亮字孔明周瑜字公瑾荀攸字公達龐  
統字士元張昭字子布袁渙字曜卿蔣琬字公琰魯肅字

子敬崔瑗字季珪黃權字公衡諸葛瑾字子瑜徐邈字景  
山陸遜字伯言陳羣字長文顧雍字元歎夏侯元字泰初  
虞翻字仲翔王經字承宗陳泰字元伯

火德既微運纏大過洪濤扇海二溟揚波虬虎雖驚風雲  
未和潛魚擇淵高鳥候柯赫赫三雄並迴乾軸競收杞梓  
爭采松竹鳳不及栖龍不暇伏谷無幽蘭嶺無亭菊英英  
文若靈鑒洞照應變知微探蹟賞要日月在躬隱之彌曜  
文明映心鑽之愈妙滄海橫流玉石同碎達人兼善廢已  
存愛謀解時紛功濟宇內始救生人終明風槩公達潛朗  
思同著蔡運用無方動攝羣會爰初發跡邁此顛沛神情  
元定處之彌泰悒悒幕裏算無不經亶亶通韻跡不暫停  
雖懷尺璧顧陋連城知能拯物愚足全生郎中溫雅器識  
純素貞而不諒通而能固恂恂德心汪汪軌度志成弱冠

道敷歲暮仁者必勇德亦有言雖遇履虎神氣恬然行不  
修飾名節無愆操不激切素風愈鮮邈哉崔生體正心直  
天骨疏朗牆宇高疑忠存軌跡義形風色思樹芳蘭翦除  
荆棘人惡其上時不容哲琅琅先生雅杖名節雖遇塵霧  
猶振霜雪運極道消碎此明月景山詠誕韻與道合形氣  
不存方寸海納和而不同通而不雜遇醉忘辭在醒貽答  
長文通雅義格終始思戴元首擬伊同恥民未知德懼若  
在己嘉謀在庭讜言盈耳玉生雖麗光不踰把德積雖微  
道映天下淵哉泰初宇量高雅器範自然標準無假全身  
由直迹滂必僞處死非難理存則易萬物波蕩孰任其累  
六合徒廣容身靡旣君親自然匪由名教敬愛旣同情理  
兼到烈烈王生知死不撓求仁不遠期在忠孝元伯剛簡  
大存名體志在高構增堂及陞端委虎門正言彌啟臨危



致命盡其心禮堂堂孔明基宇宏邈器同生民獨稟先覺  
標勝風流遠明管樂初九龍盤雅志彌確百六道喪干戈  
迭用苟非命世孰掃雰雰宗子思寧薄言解控釋褐中林  
鬱爲時棟士元宏長雅性內融崇善愛物觀始知終喪亂  
備矣勝塗未隆先生標之振起清風綢繆哲后無妄惟時  
夙夜匪懈義在緝熙三畧旣陳霸業已基公珍殖根不忘  
中正豈曰模擬實在雅性亦旣羈勒負荷時命推賢恭已  
久而可敬公衡仲達秉心淵塞媚茲一人臨難不惑疇昔  
不造假翮鄰國進能徽音退不失德六合紛紜民心將變  
鳥擇高梧臣須顧盼公瑾英達朗心獨見披草求君定交  
一而桓桓魏武外託霸迹志掩衡霍恃戰忘敵卓卓若人  
曜奇赤壁三光參分宇宙暫隔子布擅名遭世方擾撫翼  
桑梓息肩江表王畧威夷吳魏同寶送獻宏謨匡此霸道

桓王之薨大業未純把臂託孤惟賢與親輟哭止哀臨難  
忘身成此南面實由老臣才爲世出世亦須才得而能任  
貴在無猜昂昂子敬拔跡草萊荷擔吐奇乃構雲臺子瑜  
都長體性純懿諫而不犯正而不殺將命公庭退忘私位  
豈無鵲鶴固慎名器伯言蹇蹇以道佐世出能勤功入能  
獻替謀寧社稷解紛挫銳正以招疑忠而獲戾元歎穆遠  
神和形檢如彼白圭質無塵玷立止以恒匡上以漸清不  
增潔濁不加染仲翔高亮性不和物好是不羣折而不屈  
屢罹逆鱗直道受黜歎過孫陽放同賈屈詵詵衆賢千載  
一遇整轡高衢驥首天路仰挹元流俯宏時務名節殊途  
雅致同趣日月麗天瞻之不墜仁義在躬用之不匱尚相  
重暉載挹載味後生擊節懦夫增氣

庾仲初虞舜像贊

并序

夫至道元妙非器象所載靈化潛融非軌迹所傳故道資  
沖樸則謂之三皇德被羣生則號稱舜禹是以先王因其  
會通制爲準極功極于天則配乎上帝法施于民則載在  
祀典然後名教彰于致治王道煥乎無窮故茲堂之構也  
有自來矣然樹寢所以懷神而寢非神之所期立像所以  
表德而像非德之所存若乃廢其軌景洞其元真雖冥照  
之鑑獨朗天下惡乎注耳目哉遂乃顯圖靈像廓其廟壇  
俾天光焜于宇宙南風散乎五絃豈謂神道之妙可寄于  
有涯哉蓋亦暢悠悠之心者也其辭曰

元像焜耀萬物之靈飛龍在天陽德文明神道雖寂務由  
機生擁琴高詠寄和五聲元風既暢妙盡無名民鑒其朗  
軌測窈冥

戴安道閒遊贊

并序

昔神人在上輔其天理知溟海之禽不以籠樊服養櫟散  
之質不以釜斤致用故能樹之于廣漠棲之于江湖戴之  
以大猷覆之以元風使夫淳樸之心靜一之性咸得就山  
澤樂間曠自此而箕嶺之下始有間遊之人焉降及黃綺  
違于臺尚莫不有以保其太和肆其天真者也且夫巖嶺  
高則雲霞之氣鮮林藪深則蕭瑟之音清其可以藻元瑩  
素底其皓然者舍是焉故雖援世之彥翼教之傑放舞雩  
之發詠聞乘桴而懷厲况乎道乖方內體絕風塵理楫長  
謝歌鳳遠巡盪八疵于元流澄雲崖而頤神者哉然如山  
林之客非徒逃人患避爭門諒所以翼順資和滌除機心  
容養淳淑而自適者爾况物莫不以適爲得以足爲至彼  
閑遊者奚往而不適奚待而不足故蔭映巖流之際偃息  
琴書之側寄心松竹取樂魚鳥則澹泊之願于是畢矣然

奇趣難均元契罕遇終古皆孤棲于一巖獨玩于一流苟  
有情而未忘有感而無對則輟斤寢絃之歎固已幽結于  
林中驟感于遐心爲日久矣我故遂求方外之美畧舉養  
和之具爲雜贊八首暢其所託始與閒遊之遐逸終感嘉  
契之難會以廣一往之詠以抒幽人之心云爾

茫茫草昧縣邈元世三極未鼓天人無際萬器旣判靈朴  
乃翳是有神宰忘懷司契冥外旁通潛感莫滯惣順巢鷗  
兼應夷惠緬矣遐心超哉絕步顧揖百王仰怡泰素矜其  
天真外其囂務詳觀三品馳神萬慮誰能高佚幽然一悟  
陶淵明讀史述九章

此亦讚也重於所感故不云贊

余讀史記有所感而述之

二子讓國相將海隅天人革命絕景窮居采薇高歌慨想

黃虞貞風淩俗愛感懦夫

夷齊

去鄉之感猶有遲遲矧伊

代謝觸物皆非哀哀箕子云胡能夷狡童之歌悽矣其悲

箕子

知人未易相知實難淡美初交利乖歲寒管生稱心

鮑叔必安奇情雙亮令名俱完

管鮑

遺生實難士爲知己

望義如歸允伊二子程生揮劍擢茲餘恥令德永聞百代

見紀

程杕

恂恂舞雩莫日匪賢俱映日月共餐至言慟由

才難感爲情牽回也早天賜獨長年

七十二

進德修業將

以及時如彼稷契孰不願之嗟乎二賢逢世多疑候詹寫

志感鵬獻辭

屈賈

豐狐隱穴以文自殘君子失時白首抱

闕巧行居災枝辨召患哀矣韓生竟死說難

韓非

易代隨

時迷變則愚介介若人特爲貞夫德不百年污我詩書逝

然不願被褐幽居

晉二儒

遠哉長公蕭然何事世路多端皆

爲我異欽轡竭來獨養其志寢跡窮年誰知其意

張長公

揚子雲酒箴

子猶瓶矣。觀瓶之居。居井之湄。處高臨深。動常近危。酒醪不入口。藏水滿懷。不得左右。牽于纏微。一旦害礙。爲蠶所螫。身提黃泉。骨肉爲泥。自用如此。不如鴟夷。鴟夷滑稽。腹大如壺。晝日盛酒。人復借酤。常爲國器。託于屬車。出入兩宮。經營公家。繇是言之。酒何過乎。

裴逸民女史箴

膏不厭鮮。水不厭清。玉不厭潔。蘭不厭馨。爾形信直。影亦不曲。爾聲信清。響亦不濁。綠衣雖多。無貴于色。邪徑雖利。無尚于直。春華雖美。期于秋實。冰壁雖澤。期于見日。浴者振衣。沐者彈冠。人知正服。莫知行端。服美動目。行美動神。天道祐順。常與吉人。江道載逸。民箴。

至人應務是統是營乃制上下以收羣生君位孰在匪聖  
伊明賢愚相奉臣主以成如彼百節各役天形率分委質  
仰應一情心膂有位股肱有經豈以處下爲戚口口爲榮  
咨安其所舉體用平夫設爵列士懸弓垂旌卑尊之級貴  
賤之名匪以恣物之欲實大猷而是經處遁之士奚眷于  
時行矣先覺捐俗長辭明乎憂患故超爾不疑解髮靈崖  
被褐紵絲飄飄臺上輕舉高之穆穆二仲攜策相期盤幽  
隱寂與物無治凡厥後來順乃所往鑒茲俗累戒于顛蕩  
無殉外物心煩技養無棄恬曠憂勤是掌林人司箴敢告  
善黨

張平子綬笥銘

南陽太守鮑德有詔所賜先公綬笥傳世用之時德更理  
笥衡時爲德主薄作銘曰



懿矣茲筭爰藏寶珍冠纓組履文章日信皇用我賜俾作  
帝臣服其令服爲封艾緡天祚明德大賚福仁垂光厥世  
子孫克神厥器維舊中寔維新周公惟事七涓有隣

崔子玉座右銘

無道人之短無說己之長施人愼勿念受施愼忽忘世譽  
不足慕惟仁爲紀綱隱心而後動謗議容何傷無使名過  
實守愚聖所臧在涅貴不淄曖曖內含光柔弱生之徒老  
氏誠剛強行行鄙夫志悠悠故難量愼言節飲食知足勝  
不祥行之苟有恒久久自芬芳

蔡伯喈黃鉞銘

孝桓之季年鮮卑入塞盜起匈奴左部梁州叛羌逼追兵  
誅淫行東夷高句麗嗣子百固逆謀並發三垂騷然爲國  
憂念西府表橋公昔在涼州柔遠能邇不煩軍師而車師

克定及在上谷漢陽連在營郡薺方方剛明集士衆徵拜  
度遼將軍始受旄鉞鉦鼓之任扞禦三垂公以吏士頻年  
在外勤於犇命人馬疲羸撓鈍請且息州營橫發之役以  
補困憊朝廷許之於是儲廩豐饒室罄不懸人逸馬畜弓  
勁矢利而經用省息官有餘資執事無放散之尤簿書有  
進入之贏怡兵示威戎士踴躍旌旗耀日金鼓雷奮守有  
山嶽之固攻有必克之勢羌戎授首于西疆百固冰散于  
東鄰鮮卑收迹烽燧不舉眎事三年馬不帶銑弓不受疆  
是用鏤石作茲征鉞軍鼓陳之東階以昭公文武之勛焉  
銘曰

帝命將軍秉茲黃鉞威靈振耀如火之烈公之在位羣狄  
斯柔齊斧罔設人士斯休

蔡伯喈東鼎銘

銘功之體此最得之

維建寧三年秋八月丁丑延公于玉堂前廷乃詔曰其以大鴻臚橋元爲司空再拜稽首以讓帝曰俞往哉三讓然後受命公乃虔恭夙夜帝采勤施八方旁作穆穆以對揚天子丕顯休命越在先民毗於天子罔不著其股肱畢其思心式率天行式昭德音公亦克紹厥猷鑒於法罔敢不法憲於誠罔敢不誠用總是羣后保乂帝家勛在方冊民咸曰休哉惟帝念功越若來二月丁丑遷於司徒

蔡伯喈中鼎銘

維建寧四年三月丁丑延公登于玉堂前廷乃制詔曰其以司空橋元爲司徒公拜稽首以讓帝曰俞往哉三讓然後受命公允迪厥德宣力肆勤戰戰兢兢以役帝事率夫百辟媚于天子天子曰都愼厥身修思永同寅協恭以和

天衷德則昭之違則塞之回乃不敢不弼枉乃不敢不匡  
股肱之事既充三事之繇允備災眚作見乃引其責曰凡  
庶徵不若藝倫不叙是惟臣之職祇以疾告表越十月庚  
年記此

蔡伯喈西泉銘

維光祿元年冬十二月丁巳延公入崇德殿前乃制詔曰  
其以光祿大夫元爲太尉公拜稽首曰臣聞之三讓莫或  
克從臣不敢辭臣犬馬齒七十可以生可以死其戮力開  
私悉心在公以盡爲臣之節于時侍從陞階與聞公之昌  
言者莫不惕厲如履薄冰旣乃碑表百代

士孫瑞劍銘

天生五才金德惟剛從革作辛含景吐商辨物利用勛伐  
彌章暨彼良工歐冶干將爰造寶劍巨闕墨陽上通皓靈

獲茲休祥剖山竭川虹蜺消亡昭威耀武震動遐荒楚以  
定霸越以取強

漢鏡銘

尚方御鏡大無傷巧工刻之成文章左龍右虎辟不祥朱  
雀元武順陰陽子孫備具居中央漵治銀錫清而明長保  
二親樂富昌壽敝金石如侯王

又

許氏作竟自有紀青龍白虎居左右聖人周公魯孔子作  
吏高遷車生耳郡舉孝廉州博士少不努刀老乃悔吉

卞蘭座右銘

重階連棟必濁汝真金寶滿堂將亂汝神厚味來殃艷色  
危身求高反墜務厚更貧閉情塞欲老氏所珍周廟之銘  
仲尼是遵審慎汝口戒無失人從容順時和光同塵無謂

冥漠人不汝聞無謂幽室處獨若羣不爲福先不與禍鄰  
守元執素無亂大倫常若臨深終始爲純

傅休奕擬金人銘作口銘

神以感通心由口宣福生有兆禍來有端情莫多妄口莫  
多言蟻孔潰河溜穴傾山病從口入禍從口出存亡之機  
開闔之術口與心謀安危之源樞機之發榮辱存焉

鮑明遠藥奩銘

歲賁走丸生厭墮墻時無驟得年有遐方水玉出煙靈飛  
生光艷文電衣龍綵雲裳九芝八石延正盪斜二脂六體  
振衰返華毛姬餌葉鳳子藏花景絕翠虬氣隱頰霞深神  
罕別妙奇不揚或繁虎杖或亂蛇牀故不世不可以服未  
達不可以嘗眩睛逆目是乃爲良

鮑明遠石帆銘

應風剖流息石橫波下深地軸上獵星羅吐相引漢歎蠡  
吞沱西歷岷冢北瀉淮河眇森宏藹積廣連深淪天測際  
亘海窮陰雲旌未起風柯不吟崩濤山墜鬱浪雷沉在昔  
鴻荒刊啓源陸表襄民邦經緯島服瞻貞視悔坎水異木  
乃剡乃鑿旣刻旣斲飛深浮遠集潭館谷涉川之利謂易  
則難臨淵之戒曰危則安泊潛輕濟冥表勤言穆戎遂留  
昭御不還徒悲猿鶴空駕滄州君子彼想祇心載惕林簡  
松栝水採龍鵠覘氣涉潮投祭沈璧揜檢含圖命辰定歷  
二嶠虎口周王夙趨九折羊腸漢臣電驅潛鱗浮翼爭景  
乘虛衡石頰鯨帝子察殂青山斷河后父沉軀川吏掌津  
敢告訪途

梁元帝梁安寺刹下銘

阿閣崑崙洞房竊窳似靈光之金扇類景福之銀鋪垂琬

珍之文璫飾琅玕之仙寶神童戾止亟遑聞于威鳳薩埵  
求游屢徘徊於紺馬有識之所虔仰無著之所招提觀慧  
樓而下拜望天街而興善辭曰塵沙無始造色無先飛蛾  
不息縈蠶自纏篋蛇未斷藤鼠方緣苦流長汎愛火仍燃  
髻珠孰曉懷寶詎宜挺茲靈覺時惟天仙真藉表聖化乳  
稱權寶刹千道高翻四懸鳳樓含日龍臺吐煙紫山翠羽  
紅水青蓮雪宮月殿晨暉夜圓宵長梵響風遠鐘傳仙衣  
有拂靈刹無遷

梁元帝漏刻銘

玉衡稱物金壺傳施司南司火未符茲義帝曰欽哉納隍  
斯譬實惟簡在窮神體智宮槐晚合月桂宵暉清臺莫爽  
解谷胥依七分六日五紀三微事齊幽贊乃會通幾碧海  
有乾絳川猶竭飛流五色涓涓靡絕龍首旁注仙衣俯裂



箭不停暑聲無暫輟用天之貞分地之平如弦斯直如淵  
斯清

梁元帝東宮後堂仙室山銘

太華削成本擅奇聲峰如雪委嶺若蓮生雲除紫蓋霞通  
赤城金壇是錄王記題名鳳依桐樹鶴聽琴聲殿接南箕  
橋連北斗秋河從帶春禽銜綬朱鳥安廳青龍作牖

庾愼之圓扇銘

武王元覽造扇於前班生瞻博白綺仍傳裁筠比霧裂素  
輕蟬片月內掩重規外圓炎隆火正石鏤沙煎清逾蘋末  
瑩等寒泉恩深難恃愛極則遷秋風颯至篋笥長捐勒銘  
華扇敢薦夏筵

庾子山秦州天水郡麥積崖佛龕銘

有序

麥積崖者乃隴底之名山河西之靈岳高峰尋雲深谷無

景方之驚鳥迹通三禪譬彼鶴鳴虛飛六甲鳥道乍窮羊  
腸或斷雲如鵬翼忽已垂天樹若桂華翻能拂日是以飛  
錫遙來度杯遠至疏山鑿洞鬱爲淨土拜燈王于石室乃  
假馭風禮花首于山龕方資控鶴大都督李允信者藉于  
宿植深悟法門乃于壁之南崖梯雲鑿道奉爲亡父造七  
佛龕似刻浮檀如攻水玉從容滿月照曜青蓮影現須彌  
香閨切利如斯塵野還開說法之堂猶彼香山更對安居  
之刹昔者如來追福有報恩之經菩薩去家有思親之供  
敢緣斯義乃作銘曰

鎮地鬱盤基乾峻極石關十上銅梁九息百仞崖橫千尋  
松直陰兔假道陽鳥迴翼載輦疏山穿龕架嶺糾紛星漢  
迴旋光景壁累經文龕重佛影彫輪月殿刻鏡花堂橫鐫  
石壁闔鑿山梁雷乘法鼓樹積天香漱泉珉谷吹塵石牀

集靈真館藏仙冊府芝洞秋房檀林春乳冰谷銀沙山樓  
石柱異嶺共雲同峰別雨冀城餘俗河西舊風水聲幽咽  
山勢崆峒法雲常住慧日無窮方域芥盡不變天宮

庾子山東宮行雨山銘

山名行雨地異陽臺佳人無數神女羞來翠幔朝開新粧  
旦起樹入牀頭花來鏡裏草綠衫同花紅面似開年寒盡  
正月遊春俱除錦帔併脫紅綸天絲劇藕蝶粉多塵橫藤  
礙路垂柳低人誰言洛浦一箇河神

庾子山東宮玉帳山銘

玉帳寥廓崑山抵鵲總葉成帷連珠起幕玉蓋難移金花  
不落隱士彈琴仙人看博巖留舊鼎竈聚新荆煮石初爛  
燒丹欲成桑田屢變海水頻盈長聞鳳曲永聽簫聲

庾子山至仁山銘

峰橫鷗嶺水學龍津瑞雲一片仙童兩人三秋雲薄九日  
寒新眞花暫落畫樹常春橫石臨砌飛簷枕嶺壁繞藤苗  
窗銜竹影菊落秋潭桐疎寒井仁者可樂將由愛靜

庾子山望美人山銘

高唐礙雨洛浦無舟何處相望山迴樓峰因五婦石是  
三侯嶮踰地肺危陵天柱禁苑斜通春人常聚樹裏聞歌  
枝中見舞恰對粧臺諸窗畫開斜看已識直喚便迴豈同  
織女非秋不來

庾子山明月山銘

竹亭標嶽四面臨虛山危簷迴葉落窗疎看椽有笛對樹  
無風風生石洞雲出山根霜朝唳鶴秋夜鳴猿堤梁似堰  
野路疑村船橫埭下樹夾津門寧殊華蓋詎識桃源

崔子玉草書勢

書契之興始自頡皇寫彼鳥跡以定文章爰暨末葉典籍  
彌繁時之多僻政之多權官事荒蕪勦其墨翰惟作佐隸  
舊字是剛草書之法益又簡略應時諭指用於卒迫兼功  
並用愛日省力純儉之變豈必古式觀其法象俯仰有儀  
方不中矩員不副規抑左揚右望之若崎竦企鳥跂志在  
飛移狡獸暴駭將奔未馳或黝黠點黠狀似連珠絕而不  
離畜怒怫鬱放逸生奇或凌邃惴慄若據高臨危旁黠邪  
附似蜎蟬搨枝絕筆收勢餘經糾結若杜伯捷毒緣蟻螭  
蛇赴穴頭沒尾垂是故遠而望之隴焉若沮岑崩崖就而  
察之一畫不可移機微要妙臨時從宜略舉大較髣髴若  
斯

蔡伯喈篆勢

鳥遺跡蒼頡循聖作則制斯文體有六篆爲眞形要妙巧

入神或龜文鉞列櫛比龍鱗紆體放尾長短複身頽若黍稷之垂穎蕪若蟲蛇之勢緼場波振擊鷹峙鳥震延頸脅翼勢似凌雲或輕舉內投微本濃末若絕若連似水露緣絲凝垂下端從者如懸衡者如編抄者邪趣不方不圓若行若飛岐岐翺翺遠而望之象鴻鵠羣遊絡繹遷延迫而視之端際不可得見指揮不可勝原研桑不能數其詰屈離婁不能觀其卻間般倅揖讓而辭巧籀誦拱手而輶翰處篇籍之首目粲粲彬彬其可觀摘華艷於紈素爲學藝之範先嘉文德之宏懿蘊作者之莫刊思字體之俯仰舉大略而論旃

蔡伯喈隸勢

鳥跡之變乃惟佐隸蠲彼繁文崇此簡易厥用旣宏體象有度奐若星陳鬱若雲布其大徑尋細不容髮隨事從宜

靡有常制或穹窿恢廓或櫛比鍼列或砥平繩直或蜿蜒繆戾或長邪角趣或規旋矩折修短相副異體同勢奮華輕舉離而不絕纖波濃點錯落其間若鐘虞設張庭燎飛煙嶄崑巖嵯高下屬連似崇臺重宇層雲冠山遠而望之若飛龍在天近而察之心亂目眩奇姿譎誕不可勝原研桑所不能計辛賜所不能言何草篆之足算而斯文之未宣豈體大之難觀將秘奧之不傳聊俯仰而詳觀舉大較而論旗

衛巨山字勢

謂古文

黃帝之史沮誦倉頡眺彼鳥跡始作書契紀綱萬事垂法立制帝典用宣質文著世爰暨暴秦滔天作戾大道旣泯古文亦滅魏文好古世傳邱墳歷代莫發真僞靡分大晉開元宏道敷訓天垂其象地耀其文其文乃耀粲矣其章

因聲會意類物有方日處君而盈其度月執臣而虧其旁  
雲委蛇而上布星離離以舒光禾并芣蓇以垂穎山嶽峨  
嵯而連岡蟲跂跂以若動鳥似飛而未揚觀其錯筆綴墨  
用心精專勢和體均發止無間或守正循檢矩折規旋或  
方圓靡則因事制權其曲如弓其直如弦矯然特出若龍  
騰于川森爾下頽若雨墜于天或引筆奮力若鴻雁高飛  
邈邈翩翩或縱肆阿邴若流蘇懸羽靡靡綿綿是故遠而  
望之若翔鳳厲水清波漪漣就而察之有若自然信黃唐  
之遺跡爲六藝之範先籀篆蓋其子孫草隸乃其曾元觀  
物象以致思非言詞之所宣

成公子安隸書體

皇頡作文因物搆思觀彼鳥跡遂以成意閱之後嗣存載  
道義闕四綱紀萬事俗所傳述寔由書記時變巧易古今



各異蟲篆旣繁草藁近僞適之中庸莫尙于隸規矩有則  
用之簡易隨便適宜亦有弛張操筆假墨抵押毫芒彪煥  
裸落形體抑揚芬葩連屬溢分羅行爛若天文之布耀蔚  
若綿繡之有章或輕拂徐振緩案急挑挽橫引從左牽右  
繞長波鬱拂微勢縹緲二巧難傳善之者少應心應手必  
絲意曉爾乃動纖指舉弱腕握素紉染元翰彤管電流雨  
下電散點點折林掬挫安案續紛駘驛華藻榮爛組細卓  
犖一何壯觀繁縟成文又何可玩章周道之郁郁表唐虞  
之輝煥若乃八分璽法殊好異制分白賦黑綦布星列翹  
首舉尾直刺邪掬繾綣結體剩彩奮節或若虬龍盤游蜿  
蟬軒翥鸞鳳翱翔矯翼欲去或若鸞鳥將擊并體抑怒良  
馬騰驤奔放向路仰而望之鬱若宵霧朝升游煙連雲俯  
而察之凜若秋風厲水漪瀾成文垂象表式有模有楷形

功難詳聊舉大體

鮑明遠飛白書勢

秋毫精勁霜素凝鮮霑此瑤波染彼松煙超工八法盡奇  
六文鳥企龍躍珠解泉分輕如游霧重似崩雲絕峰劍摧  
驚勢箭飛差池驚起振迅鴻歸臨危制節中險騰機圭角  
星芒明麗爛逸絲紫髮垂平理端密盈尺錦兩片字金溢  
故仙芝煩弱旣匪足雙蟲虎瑣碎又安能匹君子品之是  
最神筆